

**TRANSLAT DE LA
RELATION FAICTE
EN LANGUE
ESPAIGNOLE PAR
LE REUEREND PERE
CONFESSEUR DE...**

Diego : de Yepes



TRANSLAT
DE LA RELATION

FAITE EN LANGUE ALGÉRIENNE

Par le sieur de la Motte, Capitaine de la Compagnie
des Indes, et de la Marine, et de la Colonie de la
France, et de la Ville de la Rochelle, et de la
Compagnie des Indes, et de la Marine, et de la
Colonie de la France, et de la Ville de la Rochelle,
le 10 Mars 1701.

Par le sieur de la Motte, Capitaine de la Compagnie
des Indes, et de la Marine, et de la Colonie de la
France, et de la Ville de la Rochelle, et de la
Compagnie des Indes, et de la Marine, et de la
Colonie de la France, et de la Ville de la Rochelle,



A Paris, chez la Citoyenne de la Motte, au Salon de la
Bibliothèque, le 10 Mars 1701.



C O M P L I S S A N T C E
que vostre Maiesté m'a-
uoit commādé que com-
me tesmoing oculaire, ie
mis par escrit les particu-
larités des choses dernièrement adue-
nues en la bien-heureuse & chrestien-
ne mort de feu Don P H I L I P P E Roy
Catholique nostre Sire, ie diray avec
toute simplicité & verité aucunes d'i-
celles à la gloire de Dieu qui ainsi fauo-
rise ceux qui le seruent & aiment, &
pour la cōsolation de vostre dictē Ma^{te},
& des bons subiects, non sans grande
confusion des heretiques, veu qu'en
toutes icelles reluit la confession de
nostre sainte foy Catholique, laquel-
le d'un si grand zele il a defendu toute
sa vie; & la reuerēce qu'il eut & se doit
auoir aux Sacremens, la deuotion en-
uers les Saints & leur reliques, la pieté
deüe aux choses du seruice diuin, & fi-
nalement ie mettray icy vn brief mo-
delle & formulaire de biē mourir, que
tous Chrestiens grāds & petits deuoyēt

à l'imitation dudit Roy Catholique
garder & ensuiure.

1 Premieremēt que comme ainsi fut,
que de deux ans en ça tāt par la goutte,
qu'autres infirmitēz sa Maieſté eſtoit
tant affligee qu'elle ne ſe pouuoit tenir
en pied, eſtant encore valetudinaire
d'une qui le preſſa fort en Madril es
mois d'Auril Maij & Iuing paſſez de
ceſte preſente annee, ſe doutant qu'il
alloit approchant à la mort, & deſirant
finir ſes iours en ſainct Laurēt de l'Eſ-
curial, le Mardy ſur le tard, dernier
iour de Iuing ſ'achemina vers illec à
plus grande iournee qu'il ne pouuoit
ſouffrir à cauſe de ſa debilité, craignant
que la maladie ne le ſurprint auant ar-
riuer au lieu ou il auoit tant deſiré fi-
nir ſes iours.

2 Incontinent apres, qui fut le vingt
& deuxieſme de Iuillet, iour de la Mag-
delaine ſa grande fauorite; il fut at-
taint de la fiebure que mit fin à ſes
iours, laquelle croiſſoit rigoureuſemēt,
& quelque fois ſe redoubloit, que fut
cauſe

cause qu'il desira sçauoir si ceste sienne
maladie estoit dangereuse, à fin de
prouuoir à ce qui seroit requis à vne
semblable iournee. Et comme les Me-
decins l'entrenoient de parolles sans
lui manifester la verité de peur de le
rendre triste; comme ie vis ceste leur
timidité, & estant d'autre part bien in-
formé de la constance & resolution de
sadiète Maiesté, ioint l'importance de
telle declaration, au premier iour d'A-
oust ie le luy fis sçauoir: de quoy il me
sceut si bon gré par demonstration de
plusieurs parolles qu'il me dict, & par
oeures de grand faueur qu'il me fit,
telles, que iusques alors ie n'auois ex-
perimenté depuis cinq ans que ie le
confessois.

- 3 Au mesme poinct il se determina de
faire vne cōfession generale, me com-
mandant en c'est endroit luy ayder
avec grande diligence, luy faisant vn
interrogatoire fort rigoureux & bien
particulier: Et iacoit qu'il m'enchar-
geast de le tenir secret, si ne me semble
- A 3 poinct.

poinct y estre obligé apres sa mort, veu que c'est sans son preiudice, à la gloire & honneur de nostre Dieu & exemple des Chrestiens.

4 En ceste maniere il poursuiuit son saint propos, lequel ayant accompli avec confession generale que duroit trois iours, toutes & quantes fois que i'allois pour parler à luy en ceste siennne maladie, qui fut tres-souuent, chaque fois il se recōcilioit, ce qu'il fit aussi bien peu auāt sa mort. Il se communia quatorze fois en ceste maladie que luy dura cinquante trois iours, deux desquelles furent après l'Extreme vnction: & ayāt esté la derniere communion le vnzième de Septembre, iour de la Natiuité de nostre Dame, ce néantmoins le douxième du mesme mois qui fut la veille de son trespas, cōme ie dis la Messe en son Oratoire, & ne luy baillois la tressacree Cōmunion (ainsi que i'auois de coustume lors qu'ē ce lieu ie celebroid.) Il s'ē plaignit à Don Christofle de Mora, & depuis à moy,

moy, ie luy fis responce, que c'estoit à
raison du dāger qu'il ne pourroit aual-
ler les especes: ne laissa pourtant de
m'importuner à le communier du ci-
boire, ce que n'osant faire, ie l'entrete-
nois de parolles, disant que i'en consul-
terois avec les Medecins:& tout le lōg
de ce iour il fut en ceste peine, & avec
icelle il mourut:

5 On luy auoit donné deux iours au
parauant vn petit liure du deuot Abbé
Loys Blois nouuellement traduiēt en
langue Espaignolle, auquel la Serenif-
sime Infante Doingne Isabelle sa fille
tres-chrestienne (selon ce qu'on m'a
diēt) luy lisoit quelquefois: Auquel li-
ure il s'affectiona si fort, qu'il me com-
manda de luy lire aucun passage que
i'auois remarqué propre pour ceux qui
sēt en sēblables extremités qu'il estoit.

Et tandis que i'estois en ces derniers
iours lisant aucunes oraisons, esquelles
ce sainēt Abbé faict mention de la Pas-
sion de nostre Sauueur Iesus Christ,
offrant tous ses tourmens à son Pere

eternel en satisfaction de tous ses pe-
-chez, il me commanda que ie le leusse
à traitt, pour ce, disoit il, qu'il vouloit
-repeter & prononcer apres moy tout
ce que ie lisois, ce qu'il cōtinua iusques
à ne pouuoir plus repeter ny pronon-
cer: & en l'un des derniers iours lors
qu'il estoit le plus affligé & avec la
bouche toute seiche & aride, il se mit à
repeter vne lōgue protestation & pro-
fession de la foy, que le mesme Blosius
ordonne pour ceux qui sont en sem-
blables destroits.

6 Et à cause qu'au mesme traitté, il y a
vn article, intitulé, Table spirituelle, il
-print si grand goust à ces parolles, PA-
-TER, NON MEA VOLUNTAS, SED
TVA FIAT; qu'il les repeta, i'ose bien
dire vn million de fois, faisant actes
continuels de conformation de sa vo-
lonté avec celle de nostre Seigneur, les-
quelz firent tel effect en son cœur,
qu'il arriua au poinct, que la mort, (la-
quelle d'elle mesme est effroiable,) luy
estoit le plus en desir. Ce qu'il auoit
prono-

pronostiqué deuât, que iusques à estre
arriué à icelle conformité & resigna-
tiō il ne mettroit fin à ses douleurs : car
Dieu les luy auoit dōné pour le dispo-
ser & purger en ceste vie: & estoit ceste
sienne conformité & resignation si
grande, que ie prins hardiesse, de luy
dire, que ie desirois qu'il morut lors, de
peur que retournant à conualescence,
il ne perdit ou refroidit telle vnion &
resignation donnee de Dieu par sem-
blables moyens: ce que non seulement
il ne print de mauuaise part, mais il
m'en sceut bon gré.

7 Il auoit grande deuotion au Pseau-
me qui cōmence: *QVEM AD MODVM*
DESIDERAT CERVVS AD FON-
TES AQVARVM, &c. lequel avec grā-
de consolation sienne ie luy repetois
quelquefois: s'arrestant volontiers sur
ces parolles: *SIT IUIT ANIMA MEA*
AD DEVM FONTEM VIVVM QVAN-
DO VENIAM ET APPAREBO AN-
TE FACIEM DEI?

8 Au temps que la iambe luy fut ou-

A s uerte,

uerte, qui fut comme vn à Dieu à la
vie presente, iour de la Trāsfiguration,
il me commanda que ie fusse derriere
sa couche, & qu'a haulte voix ie luy
leusse la Passion selon sainct Matthieu,
m'arrestant en l'Oraison du iardin de
Gethsemani sur les parolles, PATER
NON MEA VOLUNTAS, SED TUA FIAT.
Ie ne pense poinct qu'en ceste entrefai-
cte il y eut autre voix que la susdicte. Et
acheué qu'ilz eurent de le penser, il me
commanda de rendre actions de gra-
ces à Dieu: ce qu'ayant faict, tous les
Gētils-hommes, Medecins & Chirur-
giens, se mettans en genoux respondi-
rent: A M E N. Et luy ce pēdant demeu-
ra avec grand repos & fort entier: car
ie ne pense point que iusques ores au-
cū Religieux ou Heremite se soit auisē
d'vn tel entretenement. Mais quelle
fut la pieté & respect qu'il eut aux cho-
ses sacrees, nous le dirōs presentement.
Des le temps que ceste sienne maladie
le surprint, iusques au iour qu'il mou-
rut, on auoit de coustume luy porter
iour-

iournellement plusieurs Reliques de diuers Saincts, auxquels il estoit par specialle deuotion affectioné, lesquelles il honnoroit d'une grande reuerence interieure & exterieure, les baisant tendrement & les inuoquant à son ayde : lesquelles on luy portoit quelquefois solemnellement, ce que faisoit le Prieur de saint Laurent avec les Religieux commis à la garde d'icelles. Et en certain iour il commanda que le susdict Prieur avec moy & les confesseurs de son filz, reueſtus de ſurplis & estolles, luy portassions aucunes d'icelles Reliques, nous preauifans au parauant qu'eussions chascun de nous à luy dire quelque mot spirituel pour sa consolation. Cecy fut le iour S. Dominique: l'un luy portoit le bras de saint Vincent de Ferret, l'autre un genouil de S. Sebastien, & le troisieme de saint Albanus, laquelle luy fut enuoyce de la sainteté de Clemēt viij. avec beaucoup d'indulgences, pour semblables destroits. Ceste icy estoit continuellement

ment sur l'Autel ou il oyoit la Messe
en sa maladie, & ne laissa de la tenir en
sa presence iusques au moment auquel
il expira. Chascun de nous dict l'An-
triphone & l'Oraison du saint duquel
il portoit la Relique, & vn Euangile
auec quelque belle cōsideration à pro-
pos. Et apres les auoir reueré & baisé
de sa bouche & de ses yeux, & touché
d'icelles sa iambe, nous prinsmes cōgé
de luy. Il goustā fort ce que l'vn de
nous luy dict, qui fut en substance:
Que si le bon larron pour auoir recog-
neu Iesus Christ pour Dieu & Seig-
neur au temps qu'il estoit tant honteu-
sement mocqué des Iuifz, il merita cel-
le responce quil luy bailla: qu'il se con-
fia de mesme, qu'iceux saincts, (les Re-
liques desquelz il hōnoroit tant deuo-
tement au temps que les heretiques les
mesprisoient & foulloyēt aux piedz,)
ne laisseroient de mesmes à interceder
pour luy.

10 Dezaussi tost qu'il entendit sa ma-
ladie estre dangereuse, il sollicita &
donna

dōna haste d'auoir l'extreme-vnction.
Et d'autant qu'il ne l'auoit oncques
veu bailler à aucun, il fit vne chose fort
nouuelle & d'exemple notable.

11 Il commanda à Don Fernando de
Toledo, qu'il sceusse de l'Archeuesque
de Toledo, (lequel le deuoit oindre,)
en qu'el endroit du corps il luy deuoit
appliquer le saint huille, & à moy que
ie luy portasse le Manual & luy leusse
tout ce que se deuoit faire & lire en
l'administration de ce saint Sacremēt
des le commencement iusques à la fin,
& pour ce qu'une exhortation qui est
au commencement est vn peu longue,
ie luy dis; Sire, nous auons autāt auan-
cé, il ne sera plus besoing de la repeter,
quand on baillera le Sacrement à V.
Maiesté. Non, diēt il, mais qu'on la lise
vne & deux fois, car elle est fort pieu-
se: & incōtinent il cōmanda qu'on luy
coupisse les ongles, & nettoya tresbien
ses mains, lesquelles estoient en pauvre
estat pour cause de l'humeur dela gout-
te, & ce pour la reuerēce du Sacrement.

Douze

12 Douze iours auant qu'il mourut, il receut ce sainct Sacrement le Mardy premier iour de Septembre sur le soir à neuf heures en l'octaue de la consecration d'icelle Eglise, laquelle il receut avec tresgrande reuerēce & deuotion, s'estant preallablement confessé, & commanda que son filz nostre Roy à present se trouua illec, afin qu'il ne fut en la mesme ignorāce que luy au faict de ce Sacrement, pource que iamais il ne l'auoit veu bailler à aucun.

13 Ceux du Conseil d'Estat furent présens, les Gentils-hommes de la chambre, les Confesseurs siens & de ses enfans, le Prieur de sainct Laurēt & quelques autres Religieux reuestus de surplis. Garcia de Loayza Archeuesque de Toledo luy administrāt le S. Sacrement. Sortis que furent tous de la chambre, il demeura seul avec son filz nostre Roy à pnt regnant, & luy tint ces propos, selon quiceluy mesme ma redict.

14 I'ay voulu que vous fussiés present a ceste actiō, a fin que cognoissiés quel-
le

le est la fin du monde & des Monarchies: & luy en chargea fort qu'il eut soing de la Religion Chrestienne, & qu'il s'employa en la defēce de la sainte foy Catholique, & pour la conseruation & maintiē de la Iustice, & qu'il procura viure & gouuerner en sorte que quand il arriueroit à ce point, il se trouua avec assurance de conscience.

15 Au iour ensuiuant il m'appella de bon heure, & ie le trouuis fort alaigre, & il me dict, que iamais en toute sa vie il auoit esté consolé cōme depuis qu'il receut ce S. Sacrement, & qu'il auoit senti & esprouué l'effect & fruct qui est causé par iceluy. En ce iour il dōna congé aux negoces, conuersations & entretenemens, s'occupant vniquemēt aux choses spirituelles de son ame, acquit des choses generales & du bien public.

16 En ces douze iours iamais il ne se laissa d'ouir parler de choses spirituelles, & à cause qu'il luy sembloit que ie me lassois quelquefois, il faisoit appeler

ler les Confesseurs de ses enfans à fin qu'un chascun l'encourageast & l'aduerit de ce qui leur sembleroit necessaire qu'il deuroit faire en tel poinct. Et luy de sa part, n'obmettoit rien des choses desquelles il fut aduerit, qu'il ny pourueut, me laissant executeur de toutes icelles.

17 Il fut tant resolu & determiné de satisfaire à toutes les obligations, qu'il m'enuoya par escrit par Don Christofle de Mora les parolles qu'incontinent ie diray, lesquelles depuis me cōmanda de les lire en sa presence pour les dire de bouche cōme elles estoient couchees par escrit, & sont les ensuiuantes.

18 PERE vous estes Vicaire de mō Dieu, ie proteste deuant sa diuine Maiesté que ie feray tout ce que vous me direz estre requis pour l'acquit de mon deuoir, & le salut de mon ame, & par ainsi la faute sera en vous si ie ne le fais, car ie suis prest de faire tout ce que ie dois.

19 Le vois bien l'occasion que ie donne en publiant ces choses, à ce que l'on murmure de moy pour la grande obligation que i'ay receu lors sur moy, & qu'il ny aura faute de ceux qui m'en-coulperont, & dirõt que ie deuois lors tenter choses grandes, ou bien que ie deuois auoir passé cecy soubs silence: Mais il n'est iuste que pour excuser ma couardise, ie laisse de publier la determination tant Chrestienne & valeureuse d'un si bon Prince avec les bons effects qui en sortirent, comme ie scay bien, car en rien il ne laissa de disposer en iceluy poinct selon ce sien propos de ce que faire se pouuoit.

20 Il se monstra tant magnanime durant ces iours, qu'avec grande paix & repos il traictoit de sa mort & de son enterrement, comme si ce fust esté vn depart d'une iournee d'entretenement ou recreation. Vn mois auant qu'il mourut il commāda à deux Religieux secretement qu'ilz regardassent le cercueil & sepulchre de feu son Pere Char-

les cinquiesme, l'Empereur nostre Sire,
& en prinssent la mesure, ioingt com-
ment iceluy corps estoit enuelopé: puis
il traicta avec Don Christofle de Mora
comment il vouloit qu'on vsa du sien,
cest asçauoir, que l'on l'enueloppa de-
dans vn linceul au dessus de la che-
mise, & qu'on luy pendit au col sur sa
poictrine vne croix de bois.

21 Quatre iours auant sa mort il dict à
Don Fernando de Toledo: Ou trou-
uerez vous vne chandelle de nostre
Dame du Mont-sarrat, faictes la cer-
cher, & que ie l'aye aupres de moy avec
le Crucifix, ayant soing de me la dōner
en son temps. Ce Crucifix duquel il
parloit, estoit celuy qu'eut en main à
sa mort l'Empereur son Pere, & auoit
six ans auparauant preaduerty à Don
Ian Ruys de Velasco le lieu ou il estoit,
disant qu'il esperoit mourir avec ice-
luy, comme auoit faict feu son Pere.

22 Aux derniers iours il demanda sou-
uent si son heure estoit arriuee, & di-
soit aux assistans: Auisez moy quand
elle

elle approchera: car ie veux lors parler avec Dieu.

- 23 La patience avec laquelle il supportoit ses douleurs ne se peut expliquer, car ores qu'il y eut ia deux ans & demy qu'il ne se pouuoit tenir debout à cause des douleurs de la goutte que iournellement croissoit, sans que iamis en ce temps la fieure luy manqua, & principalement depuis qu'on luy eut ouuert deux doits d'une main de laquelle sortoit matiere toute vne annee, & depuis l'orteil du pied droict, & le tout tant plein de sentiment qu'on ne le pouuoit toucher des linceuls sans grande douleur, ioingt que l'un de ses genoux se vint à enfler, de sorte qu'il fut cōtraint le faire ouurir avec tresgrādes douleurs & peines indicibles, & ayant esté couché cinquante trois iours sur le dos sans se pouuoir tourner d'une part ny d'autre, coulāt toutes ses playes, sans qu'en tout ce temps on peut vne seule fois refaire son liēt, si est ce qu'on ne trouuera point qu'il se soit

courroucé ny dict vne seule parolle d'impatience, mais avec tresgrande benignité & douceur il consoloit tous, compatissant à la tristesse qu'ilz auoient à cause de luy, commandant aux vns d'aller dormir, & aux autres de prédre leur repos. Apres tout cecy & plusieurs choses que ie passe soubs silence, lesquelles les Medecins ne peuuent assez admirer, les parolles que communément il auoit en bouche ayant les yeux fichéz en vn Crucifix qui fut tousiours deuant luy, estoient : Seigneur Dieu que ce soit en remission de mes pechez. En l'un de ces iours il me dit: Je n'ay oncques faict tort ou iniustice à aucun, ne fut esté par ignorance, ou que i'aurois esté deceu.

24 La consolation qu'il eut en tous ses traualx fut d'ouyr lire & parler de Dieu, & de la confiance qu'on doit auoir en la diuine misericorde, laquelle reluit es exemples que nous a baillé Iesus Christen son Euangile, spécialement ceux desquelz faict mention
Mon'

Mon^r Sainct Luc chap. 15. de l'Enfant prodigue, de la dragme perdue, de l'ouaille esgaree; & d'autant plus qu'il approchoit à la mort, d'autant s'accroissoit en luy le desir d'ouir ces choses saintes, sans se lasser ny nuict ny iour, & aux deux derniers iours beaucoup dauantage, de maniere que luy persuadats de prédre quelque repos, nous ne le scauions obtenir, & ou tous les assistans se lassoient, luy seul ne se lassoit d'ouir parler choses spirituelles.

25 Deux iours auant qu'il mourut il me bailla vn papier auquel estoit escripte vne pratique que Mon^r Sainct Loys Roy de France fit à l'heure de sa mort à son filz successeur de sa couronne, me commandant qu'apres son deces i'eusse à le lire à son filz nostre Roy à present: & luy semblant pouuoir bien adioindre à ce qu'auoit faict ce Sainct Roy: inspiré de Dieu au terme auquel il se trouuoit, fit choses remarquables dignes d'un tel Pere à l'endroit de son filz & heritier: Me dict aussi qu'il auoit

preuisé son dict filz, à ce qu'apres sa mort il eut à m'appeller, me ouyr, & receuoir vn papier qui m'estoit demeuré es mains: Ce qu'iceluy nostre Roy à present accomplit au point de la lettre: Car au mesme iour que son Pere fut enseveli, il m'appella, & receut le susdict papier avec grande debonnaireté & consolation.

26 Comme ie luy parlois vn iour de l'Enfant prodigue, & du Paralitique, & de Sainte Marie Magdaleine, & de la faueur que nostre Seigneur à tousiours faict aux pecheurs qui s'approchoient de luy, & que lors qu'il leur pardonnoit leurs pechez, tousiours il nommoit premierement le pardon auant que nōmer le peché, cōme lors qu'il dict au Paralitique: CONFIDE FILI, REMITTUNTUR TIBI PECCATA TUA. Et à la Magdaleine: DIMISSA SUNT EI PECCATA MULTA. Et en autre lieu: REMITTUNTUR EI PECCATA MULTA. Et que plus est, baillant la forme de l'absolution

tion

tion à ses Apostres, il dict: **QVORVM**
REMISERITIS PECCATA, &c. En-
uoyant tousiours la sauuecōduicte du
pardon, auant que pronōcer le peché,
à fin de les exempter de la peine qu'ilz
eussent peu receuoir si auparauant il
eut prononcé le peché. Tandis que ie
luy disois ces choses, vn accident sur-
print sa Maiesté qui nous fit surche-
oir la pratique par l'espace de deux
heures: paraprez il m'enuoya appeller,
me commandant que ie poursuiuisse
le bon propos que ie luy auois enta-
mé, & avec grand attendrissement, il
pria à tous ceux qui estoient pour lors
en la chambre, qu'ilz voulussent prier
pour luy, à fin qu'au temps que son
ame seroit pour expirer, il pleut à sa di-
uine Maiesté luy donner le iugement
sain & entier pour mieux recomman-
der son ame es mains de son Createur,
& prononcer les mesmes parolles que
dict le filz de Dieu à son Pere eternal
en la croix, & que lors qu'ilz verroient
sa fin ilz voulussent les prononcer à

haulte voix, de maniere qu'il les peust
ouyr & prononcer apres eux aumoins
de cœur si autrement il ne pourroit:
Par les choses passees auant sa mort,
on peut presumer que nostre Dieu
luy fit ceste grace. Car deux ou trois
heures auant qu'il expira, luy suruint
vn accident avec vn esuanouissement
si grand, que tous pensoient qu'il estoit
i'a finy, & luy voulans couvrir la face
d'vn linge, subitemēt il ouurit les yeux
avec vne telle viuacité, & les ayant fi-
ché en la croix avec laquelle il mou-
rut, que Don Fernando tenoit, laquel-
le il luy tira de la main & la baisa fort
tendrement, comme aussi l'Image de
nostre Dame du Mont-sarrat, laquel-
le estoit en la chandelle qu'il tenoit en
l'autre main: Il sembloit à l'Archeuef-
que de Toledo, & à nous tous qui
estions presens, que naturellement c'e-
stoit chose impossible de pouuoir si
soudain retourner à soy avec vne con-
sideration & affection tant viue: mais
que sans aucune doubte, il auoit receu
quel-

quelque vision & faueur du ciel qui
luy imprima ceste affection tant viue
& ardente que iusques lors il ne auoit
eu telle, & que ce fut plustot rauisse-
ment ou extase que non poinct aucu-
ne autre indisposition du corps. In-
continent apres il retourna à son ago-
nissement, & alloit finissant peu à peu
auec grand repos, de maniere qu'auec
fort petit mouuement ceste bonne
ame fut deliuree de la prison de son
corps le Dimenche xiiii. iour de Septē-
bre, l'an M. D. xcviii. à cinq heu-
res du matin. La derniere parolle qu'il
prononça fut qu'il mouroit Catholi-
que en la foy & obediēce de la sain-
cte Eglise Romaine. Il fut enterré &
colloqué en l'Eglise du monastere de
Saint Laurent de l'Escorial auec ses
Peres, deffoubs l'Autel, auec la solēni-
té & l'ordre que luy mesme auoit or-
donné qui fut ainsi que custumier

ne Maieſté veuille proſperer la vie &
ſucces, pour la conſeruation de la foy
Catholique, que feu voſtre Pere à ſi
viuement defendu, aymé, & reueré: la-
quelle nous eſperons deuoir eſtre fort
heureuſe & fauoriſée de noſtre Seig-
neur. Ainſi ſoit il.



Fr. Diego de Yepis.



APPROBATIO.

PIA, sancta & imitatione dignissima sunt omnia: quare cum magno fructu imprimi posse iudico. Datum Antuerpiæ, pridie Non. Ianuarij, anno M. D. XCIX.

*Silueſter Pardo, S. Theologia Licen-
ciatus, Cathedralis Ecclesia Ant.
Canonic. Librorúmque Cenſor.*

EXTRAICT DV PRIVILEGE.

SON ALTEZE SERENISSIME à donné
congé & licence de grace espediale à Iean More-
tus Libraire & Imprimeur iuré, qu'il pourra im-
primer ou faire imprimer par tout ou il luy plaira en
ces pays de pardeça ce present liure intitulé, *Trāslat*
de la relation faicte en langue Espaignole, de la
forme de la derniere maladie & mort de sa Maie-
sté, decedee le Dimenche xiiii. de Septembre, &c.
tant en François, Latin, Italien Flamen, qu'autres
langues, estant fidelement translaté, comme plus am-
plement est declaré es lettres donnees à Bruselles, le
18. de Ianuier, 1599.

Signees

S. de Grimaldi,

A A N V E R S ;
EN L'IMPRIMERIE PLANTINIENNE.
CHEZ IAN MOVRENTORF.

M. D. X C I X.







